

اِسْتِغْنَا

نومبر ۲۱

بجانبہ

۵ شباط ۱۳۲۴

۱۱ نجی سطرده «عثمانلوقده» نی «عثمانلوقده» او قومالیدر . ینسه او صحیفه نك یکریمی برنجی سطرنده «بو مملکتده سیاسیات ایله مشغول اولان هیج بر مقام مذهبی یوقدر» جمله سنده کی «اولان»، «اولیان» در. الهم سهو ترتیب بواولمشدر. بناء علیه تکرار ایدلم: «بو مملکتده سیاسیات ایله مشغول اولیان هیج بر مقام مذهبی یوقدر».

۹۵۴ نجی صحیفه ده ایکنجی سطرده کی «صدر»، ۱۲ نجی سطرده کی «داعی» و ۹۵۷ نجی صحیفه نك ۱۱ نجی سطرده کی «اورطه» و ۱۳ نجی سطرده کی «صیت» کلرلری ده یا کلاش دیزلمشدر. طوغریلری «صدد»، «داعی»، «ادرنه» و «صیت» در. دیگر سهولر اخطار و تصحیحه محتاج اولمق سزین ا کلاشله بیلیر.

اجال خارجی

روسیه نك تکلیف معلومه جواباً طرف دولتدن درمیان اولسان مطالب متقابله ایله دولت علیه و آوستریا آره سنده تقرر ایدن صورت تسویه نك فقرات معده لسی حقنده کی مذاکرات او درجه بطاقله جریان ایدورکه «جریان» کله سی عادتاً یرنده استعمال ایدلماش اولور.

روسیه حکومتك مطالب باب عالی نی کندی تکلیفك اساساً قبول اولندیغی بولنده تلقی ایدرک حسن قبول ایللمسی دولتی شه سز خشنود اتمش، مذاکراتك نتیجه پذیر اوله جنی امید اطعشان بخشنی تولید ایللمشدر. بکن هفته بیان ایلدیکمز وجهله بو حضور وسکون بلغارلرده کلش ایدی. حتی بلغار حکومتی صوفیه ده کی روس مأمورینك تبلیغاتی اوزرینسه سکزننجی فرقه نك ترخیصی امرینی ده ویردیه ده بلغارستان افکار عمومیه سی حکومتك بو طرز تلقیسنه اشتراك ایتیمور. غزتلر روسیه نی دولت علیه ایله بلغارستان آره سنده کی ائتلافك قوه قریبیه کلدیکی بر صرده ده تکلیف واقعی سوقیله ایشی تأخره دوشورمش اولقله اتمام ایدور، اظهار انفعال ایلدورلر. بو بولده کی نشریاتك توالیسی، مسئله نك نه صورتله نتیجه لیدیکی کوستر دلائل صریحه اولمدیغی اچون ترددرک تمادیس

نهایت خلقه تأثیر ایتدی. الیوم بلغارستانک بعض طرفلرنده روس تکلیفی علیهنه متینغلر حاضر لئیورمش، بو متینغلرک هیئت نظار حاضره خلا فکیران طرفندن قابینه یی دوشورمک املی ایله ایدیلن تشویقات نتیجه سی اولسی بالطبع استبعاد اولنه مزسده ساکتانه ائتلاف یولی طوررکن سمت هیجان و غلیانه صاباق تشویش اموره باعث اولمقدن غیری بر نتیجه حاصل ایدهمیه جکندن بلغارلرک بو صورته ترویج مرامه، ویا هیچ اولمزسه تسریع تسویه به غیرتله یی خوش کوره نامکده یز. مع هذا بو منللو نشریات و تحریکاته آشوری درجه اهمیت ویرمکده جائز دکلدرد. مشروطیتله اداره اولنان عمالکده بو کبی حالات اکتریا واقع اولور. بلغارستانده ایسه دهها زیاده... اکری به طوغری به متینغلر یاییلور. آتشین نطقلر ایراد اولنور، باغیریلور، چاغیریلور، تهدید آمیز قرارلر اتخاذ ایدیلور نهایت خلق طاغیلیر، و حکومت یو ناطقه پردازلرله هم افکار دکله یینه دیلدیککی ییار... بناء علیه محافظه صلح و مسالمت، و ادامه حسن آمیزش و مخاندن آرزولری هر ایکی طرفده باقی اولدجه بو ولوله لرکده چوق کچمدهن سکونت بوله جفته قائلز.

لکن صربستان و قره طاغ جهتلری بویه دکل. بلغارستان ایله موضوع بحث اولان مسئله تکلیف ایدیلن تضمینات ایله طلب اولنان تعویضات آره سنده کی فرقدن، یعنی بر قاج ملیوندن عبارت. حالبوکه مارالذکر حکومتلرک شکایاتی سنه لردنبرو پرورده ایتدکاری آمال ملیه به عائد. صربلیلرله قره طاغیلر کویا موجودیت سیاسیله رینه ضربه اورلدینی ادعاسیله کوکرمه دجه کوکرمه بورلر. نه روسیه نکه، ونه ده بتون اورویانک و صایاسی تأثیر ایتدی. واقعا غلیان افکاره بر سکونت کلدیسه ده تهیثات حربیه ده کی فعالیت دوام ایتدی طوردی. شمعدی ده دوام ایدیلور. آوستریا دخی بالطبع تدابیر متقابله اتخاذینه مجبوریت حس ایتدی. حدود جنوبیه سنده کلی بر قوت بسلور. بو اضطرارک نه قدر مصرفی اولدینی بز مع التأسف هر دولتدن زیاده حس ایتدک. شو سببله آوستریا حکومتی بو حاله چاره ساز اولق اوزره دولت علیه ایله ائتلاف تام پیدا

ایستادن صکره صربستانه ترك تسلیحات ایتمسی تکلیفه قرار ویرمش ایش .
 بو خبری مؤید براماره قطعه هنوز موجود دکلدر ، وبلکده ائتلاف مذکورک
 عقد و تعاطیسنه قدر بر اماره کورلیه جکدر . فقط صربلیلر بوشایعه دن خبردار
 اولنجه بر آرهلق اختیار ایستکاری سکوتی تکرار بر اقلیدلر . آوستریا طرفدن
 او یولده بر تشبث وقوعنده حرب ظهوری محقق اولدیغنی اشاعه ایستدیلر .
 قرم طاغلیلرک صربلیلردن زیاده افراط کوستردکلرینه باقیلورسه اوروپانک
 دولت علیه ایله آوستریا و بلغارستانک آرهسنی بولمق ایچون صرف ایده کلدیکی
 مساعیدن صکره صرب و قرم طاغلیلر ایله ده اوغراشه جنی نظامر ایدر . مع مافیه
 بر طرفدن آوستریانک بو ایکی حکومته قارشو تفوق عظیمی ، و دیگر طرفندن
 اوروپانک یالکز بر ایش ایله اشتغال ایده بیله جک بر حالده قالمسی او جهتندن
 بر چاره ائتلاف تأمین ایده بیله جکی امیدلرینی تولید ایلمکده در . خصوصاً که
 یوسنه وهرسک ایله بلغارستان مسئله لری بو صورت ائتلافیه به اقتراان ایدنجه
 دولتلر بو قدر زماندنبرو تصمیم ایستکاری قونفرانسی عقد ایده بیله جکلرندن
 صربستان ایله قرم طاغ بتون اوروپا دولترینک عزم قوی ، و قرار قطعیلری
 مواجهه سنده بولنه جقلر ، امللرینه آز جوق نائل اوله مسهلر بیله ، آوستریا ایله
 محاربه نك ولوکه «کرمیلا» اصولنده اولسون کندیلرینی ضعیف دوشورمکدن
 غیری بر نتیجه یه منجر اوله میه جقنی اکلا به جقلردر . واقعا بیوک کوچک هر حکومت
 مستقله افعال و حرکاتنده کلیاً مختاردر ، فقط بو مختاریت اوروپا صلح و مسالمتی
 تهدید درجه لرینه وارنجه دولتلرک مداخله مشترک سیله تحدید اولنور . از جمله
 عصر حاضرده دولتلر نوعاً برعانه تشکیل ایدیلورلر . بوعانه افرادندن هانکی بری
 بر تشبثده بولنسه دیکرلری در حال ایشه قاریشیورلر . هله متشبثلر صرب
 و قرم طاغ کی نورسیدکان اولجه وصایت حتی آرتیور .. عدم مطاوعت مسئولیتی ده
 اولستنده بیویور . صربلیلرله قرم طاغلیلر بوحقیقتی بیلمز دکلدر .. هر نه حال ایسه
 بالقان بحراننک الفا ایستدیکي اندیشه لر هنوز تمامیه زائل اولمدی ، ده بر مدت
 تردد ایچنده کچه جک . . .

اوروپا نك جهت شرقيه دى دهايقيندن علاقہ سى حسيديا به بومسئله لرله اوغراشمقده
ايكن انكلتره قرالى يدنجى ادوارد مقدما فرانسه و روسيه به كيدرك بوملكتلايه
صمعي استلاف لر پيدا ابتدكي مثللو بودقمه دخى انكلتره ايله آلمانيا آرمى آجيق
بولندينى رهنكآمده ويانه به اجراى سياحت ايدرك طرفين بيننده حقيقه حس اولنه جق
در جه لرده ريميل حسن آمزش ومخاندت اويا ندر مشدر . كرك انكلتره ، كرك المانيا
معابوعاتك متعدد ستونلر نى املا ايدن مقالات شو ميلان جديدك حصوله
بر برهاندر . هرايكى طرف بوسياحتك نتايج ممنونيت بخشاسندن طولاني اظهار
شادماني ايدبورلر . قرال ادوارد هنوز برلينده ايكن المانيا - انكلتره استلافك
لزوم ووجوبندن بحث ايتك اوزره قونفرانس لر و برلدى . برلين بلديه رئيسى ولوندره
شهر اميخته مودتكارانه بر تلغرافنامه چكسى خلاصه آورده كي برودت قالفدى .
بوايكى دولت معظمه رقيه دخى يكديكري نه دست وفانى اوزانديلر . واقعا بو حالك
طول مدت امتداد ايدوب ايتيه چكى كسديريله مزمنه اليوم روسيه ايله فرانسه
اتفاقك مقدماتى ده بويله باشلامشدر . شوسبيله قرال ادواردك بتون اوروپايى
انكلتره به دوست ايتك امرنده كوسترديكى غيرت وفطاطى جدا تقدير ايتامك
امكان نذر . مشارايله - انكلتره مناسبانى بو وجهله بر دوره استلافه كيرمكده
ايكن فرانسه ايله المانيا آرمسندده الجزيره قونفرانسى مقرر اتى توضيحاً عقد
اولنان بر استلافنامه دخى بوايكى حكومتك فاس مسائل يوزندن خيليجه خللدار
اولان مناسباتى تايد ايتمش ، ينهماده كي سوء تفسيراته نهايت ويرمشدر .
بر طرفدن غربك بو وفاق واستلافلى وديكر طرفدن ده اوتة دنبرو نفاق يوواسى
اولان شرقك اختلافات حاضرهمى كوز اوكنه كتيرينجه تظاھر ايدن فرق
عظيم موجب خسران اوليور غرب بدر كه غربده بوكى اختلاف لر بيله رقيب مملكتلر
بيننده بر مسابقه ترقى وتفوق آچقمده ايكن شرقده اصلا موجب ابتاه اوله ميور .
بر فعاليت ترقى پرورانه اويا ندره ميور . جهت عسكر يه دن ماعدا بتون حيات
سياسيه سكتهدار اوليور . آه بز نه وقت اويا نه جغز ؟